

雙峯先生存藁

雙峰先生存藁卷之五

宋進士舒邦佐平叔著裔孫

曰敬元直

學孟肖輿

輯

通湖南陳漕啓

拜履倉臺嘗得與杯觴之勝望鹿漕節又來依
斧繡之光幾如昌黎爲屬吏之二所恃孺文有
我天之一一肅瞻澄按敬寫歸投某官蘇眉山之

筆端程伊川之心地六經命脉四海先生臺府
屢遷富貴之梯愈上湖山畱滯造化之意謂何
上非不知天定乃勝似聞召門下而歸要地頗
欲束餘子以俟太平庶幾蓮燭增輝蓬山借重
詩書不爲虛話膏澤可以下民雖見瀟湘而思
其人公肯爲南軒而少駐然鼓雷風而行于世
人皆望西掖之早歸某學淺而蔽深齒強而才

弱惜當司臬危甚臨淵其將詳而防屋雀之欺
其將恕而戒淵魚之察以至得情勿喜寧失不
經此皆平生布衣之所聞未審今日縉紳之可
肯望大手發竈天之覆乞一語以指南使古人
無畫地之譏卽萬間之庇厦其他時俗暄涼之
語未必屬吏肝膽之真不敢飾情復形紙尾

通陳知錄啓

黃卷聞名已嘗退步青衫試吏何幸承顏向者
親炙于一編燈火之中今也奔走于數仞門墻
之下嚮風雖舊望庇維新某官泗水嫡傳賢關
雋望斗旋魁宿名壓諸儒匠鍛金章版傳四海
自蜚聲于月窟宜濶步于雲衢何州縣之勞人
致獄訟之免我蓋俗吏處狃犴鬪爭之地或以
煅煉爲能而吾儒熟典謨欽恤之辭自有哀矜

爲主于門旣大陳社可酬其賦性至慳受才尤
拙晚攀丹桂得鹿遺蕉閨厄黃楊如鮎上竹倘
不以雲霄步武爲間或下憐草木臭味之同萬
戶封侯之輕旣容願見一尊論文之細尤欲親
承

通徐檢法啓

捧檄西歸嘗拜朱門之履幕携家南上今依厦

屋之帡幪諒半面之未忘燭寸心而先吐其官
文高時輩學到古人頃掉鞅于蒸江泊蜚聲于
澧浦執三尺而不撓秉一節而益孤今司繡臺
講若之規甚贊畫象欽哉之恤人所可而法所
不可衆曰然而理有未然必爭辨于毫釐之間
使不差于輕重之際遠民被惠所至視地極如
道場公論方開必有達姓名于宸扆其謬當司

臬政隸建臺自顧匪長有恃不恐蓋一言行恕
已逢漢使之平反而三尺持平又際徐公之臨
德目是之故敢爲此來

通鄭路分啓

鼠牙雀角方墮在獄椽之卑焚領虎頭何幸識
將軍之面雖俎豆未習于軍旅而貂蟬寔出于
兜鍪敢夸一字之識丁而慢千軍之屯甲某官

雙峰存藁

卷五

四

忠誠貫日勇氣橫雲直要西飲月氏之頭豈但
北斷匈奴之臂帝云湘楚地雜蠻徭以其俗悍
而鳥言夷面之錯居或者歲饑則蜂屯蟻雜而
相聚斃息荆湖之浪卽焚老上之庭某獄戶非
長轅門有托與我而馘囚並獻敢言在泮之相
同得公而寇盜潛消所恃空囹之有自

引領杏壇豈免小巫見大巫之愧回頭梓里所
幸肝江接章江之流既草木之味同亦桑麻之
境近可無尺素往白青衿某官真鄭瓊之廣文
嗣傳巖之良弼誦詩三百肉貫弗而不如攀桂
一枝領摘髭而何易頃者吹赤壁之笛擷豐浦
之蘭今以象山一瓣之香來爲合江諸儒之倡
風流不遠輩行相推石鼓橫經姑少令于螟肖

天池得路當遠見于鵬搏某司臬非長登門有
幸望似鄉人而喜使屬厭于絳帳之餘勿云俗
吏可增便遽隔於清流之外

回湖北湯憲啓

自天出綽涓日按刑繡節鼎來湖山已爲之改
色金科漸簡桁楊將報于消聲方裁賀厦之緘
蕪露托鄰之悃盛禮翻成倒置不敏何以自文

某官身載時名家傳相業靈槎上漢早參六院
之游圖戟班春旋擁雙旌之貴坐銷田里嘆息
愁恨擢司財貨本末源流仍將蔽芾之棠盡入
咨詢之轡父老記留錢之送兒童喧竹馬之迎
暨散陳紅盞膺詔紫號兄弟齊名之相入衣冠
盛事之圖尚駕漢輶來空囹圄訪桃泛武陵之
水姑繼仙遊熟橘待洞庭之霜聊觀勝槩不日

措三千之辟乘風朝尺五之天振拂高門焜耀
當世某郵亭話別分袂幾何使斧瞻輝伐柯不
遠筆舌爲禮雖已失于先後之間唇齒相依願
不分於南北之限

回廣西方漕啓

疏綸南下易節西馳燕賀陳情盍先到青羅之
水駕封下逮返遠來紫蓋之峰睦鄰雖識于鳴

謙不敏祗多于自訟某官九臯聞鶴五聚靈龜
鑰啓玉匙貯胃中之四庫篇垂金薤倒筆下之
三江從發軔於亨塗又蜚英于宦海二千石與
共理甚愜群心諸大夫皆曰賢遂交薦口受知
丹宸將命皇華爰念南廣總數十洲之繁其去
北闕殆百餘驛之遠彼旣平反而有效此宜飛
輓以更馳頗聞漕計之贏亦資鹽筴之利頃雖

更轍今幸復羶然而輕動利權夫豈無扞格之
處旣逢大手又何憂盤錯之難竚觀流地之多
竟服朝天之近某司倉何補庇厦焉依取斧伐
柯豈但師於匠誨殘膏剩馥又將乞于鄰醯

回永州徐寺丞啓

千騎鼎來曾披樂霧雙魚謙隊復睹郇雲旣釋
判袂之思又喜開藩之始一新號令四沸歌謠

某官抱負恢奇發舒闕遠光芒星斗文章特其
緒餘踐履氷霜名義爲之根本有聲劇縣策足
清朝影纓六院之聯曳綬三丞之列夷塗濶步
正當衆人酣富貴之時厝火積薪獨爲明主上
治安之䟽一麾請外爲已雖輕九鼎益隆謀國
甚老眷惟二水素甲三湘浯溪之真刻猶存淡
巖之奇觀無恙意謂坐嘯之閑暇不妨吊古以

集此不引
品題熟披長牋乃餘太息謂丁此兩聞之俱斃
幾成手足之倒垂謂頃雖一孔之弗遺而乃公
私之俱乏然今以明敏之手尚何憂盤錯之難
只恐賜環靡容溫席某周詢奚補借助方新一
面咲譚雖難先于卜日千里利病幸垂告于因
風寸襟所儲尺紙難究

圓吳郴州啓

回雁相逢每恨分襟之遽凭熊坐嘯喜聆開府
之初賀厦方謀隊函先貺雖佩不忘之誼已慙
展慶之遲某官韶濩和音珩璜重寶游心得妙
翰墨真足名家與世依程踐履端如前輩早已
期千臺閣晚方上千蓬瀛雖久屈而後伸惟獨
行而特立弗肯枉尺甘作夢刀緊橘井之春偏
藹棠陰而疊芾泮宮芹藻教蠻獠以詩書武城

絃歌化劍戟爲錢鏹自一命今成于三命而後
來殊勝于前來已驗之方與嘗試者不侔相習
之器與杆格者有間城郭皆是但年非丁令之
千家世傳芳又治見吳公之一袴謠轉達綸詔
促歸某乘傳何功同僚有幸共千里之月雖不
隔於心期報五朶之雲猶有慚于舌在

圓章岳州啓

擁轡北去今上岳陽之樓傾蓋南留夜醉長沙
之酒自出郊而送別想開府之維新贊喜來皇
貽緘先及其官英標山立佳譽海流妙解牛而
若新盍搏鵬而直上甍佩刺史二千石之印來
看洞庭八百里之波君山一螺木奴千樹皆入
古人之賦詠足供賢者之賞吟只恐銷嘆息愁
恨之聲便擢居言路侍從之職追鋒亟下臥轍

難留其馳驅漫勞竊鄰多幸舉杯相屬空寄想
于暮雲報語無能辱暗投于明月

回漢州 守啓

千騎啓行悵惘分襟之後雙魚拜賜懽忻開府
之初楚天秋早已惠于好音蜀道天遙難憑于
謝幅每思不敏無以自文某官挹錦水之清標
聳雲山之英槩因杜曲而思杜甫酌老泉而見

老蘇藹月旦於西州播風聲于北闕六龍簡記
五馬光華能令千里之治封長占三春之和氣
諸郡之最外臺以聞衆謂可以增美秩而賜黃
金上曰姑且自偏州而陞大府想父老熟聲名
之久望使君如父母之來朞月之間從風而靡
弟恐追鋒之亟未容截鐙之畱某解轡梓潼乘
輶衡嶽箕南斗北轉覺人生會合之難夜夢晝

集
卷之三
思猶懷杯酒咲譚之共若萬里不遺於故舊幸
一書頻訪于平安

圓高檢法啓

名滿龍津同住閩中而未識官遊鴈嶠翻成客
裏之相逢自聞獵獵之行旌已動忻忻之喜色
方謀往記先辱貽緘披玩至三感藏以百某官
古韻玉雪清規名父子之書科難兄第之

聯屬斫桂方踰于一紀泛蓮已倒于三湘惟茲
壤圯之繁雜彼蠻徭之悍民輕犯法郡鮮空圉
雖彈壓湖山威重自歸于使者然平反獄犴斟
酌政賴于仁人竚聯一鶚之書歸近六龍之侍
某墮在衡陽煎急之地無復唐人焚寢之香鳥
哺爲親雖已沾于祿養鸞鳴求友重有望於鄉
情敢祝加鞭早符聽履

回善化倪永啓

丞于一邑無不問暇則哦松簿者高士豈肯爲
謾云棲棘幸受廛同飲西江之水今拄笏並觀
南嶽之雲方切蒹葭倚玉之懷忽頒燿雲落紙
之貺高文飾賁盛德鳴謙某官其學表微所立
拔俗曩椽一水今丞長沙便合作上界仙奚疊
爲浮湘客意淡巖渚溪之勝飽蓄襟夷惟道林

獄麓之奇未入眼界寄情在此俛首爲之矧門
多古木清泉真類傍墻之槐竹而身介油幢繡
節又成近水之樓臺諸公賞音乙夜交薦某侵
尋向晚濩落無堪東抹西塗已自發鮎魚上竹
竿之嘆南飛北走無非爲鼠雀盜大倉之謀素
業都荒紅塵滿座扣門不遠甚喜資益友之多
聞問字若來母謂有公事而姑去

鮑參軍集卷三
目交代吳主簿啓

圓頭三徑夜夢菊荒倒指半年日期瓜及方欲
涉春而往記乃蒙跨鴈以詒牋公辭親舊而占
行色之新我對兒女而話歸期之近敢因圓雁
敬效烹魚某官織錦爲裳紉蘭作佩不但誦阿
房賦而開薦口自能作唐春秋而妙筆端寒梅
早香良田晚熟人稱枳棘尚何俛首就之景愛

瀟湘姑欲寓目焉耳卽膺薦墨寧久勾朱某飯
籬告空饑驅而出雪舟太冷興盡欲還纔聞火
傘之張便作青鞋之計無毫髮之可紀深愧邑
人如瑾瑜之匿瑕全賴君子

回潭州褚廣文啓

學出南軒自是湘中之一派名高北斗又收天
下之三魁欲長沙盛事自此相傳必廣文先生

爲之善誘某官玉匙開鑰金薤垂篇掉臂咲取
桂枝難栖鸞鳳引手再穿楊葉遂肖螟蛉蒙汗
竹之見貽知戍瓜之已及水擎三千里風搏九
萬里雖地狹以難畱冠者五六人童子六七人
謂公來之何暮願慰青衿之望早符紫氣之占

二

疏恩芝檢職教杏壇畫舫飛來聞水擎三千之

里泮宮不冷將鎮肖七十之徒自慙無習主簿
之名安敢通鄭廣文之問忽拜雲煙之紙落似
憐草木之味同某官織錦爲裳飛霞作佩奉子
大夫之對斫桂向高中經博士之科穿楊尤巧
長沙獨冠九郡比年連占三魁雖楚有材亦顏
之鑄秋風借便又當偕計之年春服旣成况是
舞雩之日少勞匠誨卽聽鋒追某誤墨得官勾

朱作吏歸夢栩栩雖止爲數月之留鋸屑霏霏
尚欲勝十年之讀

回方教授啓

一別家山屢作蓴鱸之夢雙封驛信忽貽金玉
之音喜吾梓里之英主是否壇之教可無尺紙
往迂前旌某官學也海深才焉春麗董相上天
人之對幾奪龍頭子厚爲衡湘之師慙游鸚泮

合江添勝石鼓增輝不惟學子之依歸益動吾
人之鼓舞蓋人生所喜無如親舊之逢而郡政
所先必賴師儒之化望公如渴爲我加鞭某止
爲斗粟之謀以代三牲之養見鄉人而喜深期
聲欬之相聞動天子之思第恐絲綸之招去不
容久芘預切懷憂

回善化鍾解元啓

有司論秀雖出無心吾邑得人豈不私喜然匪
武城絃歌之宰又非泮宮芹藻之師豈料長牋
亦及短簿載觀文陣可謂披沙而已得真金願
淬筆鋒行當白戰而不持寸鐵然旣助湘靈之
十字豈難透禹浪之二層錦里榮歸將請賀青
衫俯拾之易錢囊羞澁恨莫資紅裙爭看之遊
圃王狀元謝禁墳山啓

王喬玉棺之葬蓋自出于天心吳郡銅山之興
乃欲傷于地脉宜于孫之弗忍況官吏之當呵
方戒公移奚勞私謝某官龍頭貴客熊楚名家
稔聞先代之松楸深得遺思于桑梓隻鷄酬喬
公之墓下馬瞻董相之墳但欣藤嶺之遂深豈
料泉陽之睥睨且發汲冢而得書者尚云不美
矧鑿杜固而流血者又豈無心公當保護于九

原吾亦奉行于三尺佳城鬱鬱從今斷樵牧之
侵好語諄諄第愧乏瓊瑤之報

回項正字謝列薦啓

捧詔神京試言禁地奏篇徹御皆驚議論之過
人濶步登瀛方信神仙之在世矧聯名如三學
士之貴同把袖爲群玉府之遊賀厦方謀墮函
先貺至謂逢人而說項欲令私謝之及張敬誦

高文難當盛德某官洙泗嫡嗣荆楚真英人品
甚高踐履要如前輩筆端更妙文章自成一家
然而東遊會稽西入巴蜀夫豈至寶橫道而不
顧是蓋良賈不市而深藏對三千字而日未斜
今雖騰踏然九萬里則風在下匪自吹噓若夫
首歲之薦章與彼諸公之交奏是特借君而爲
重庶無議我之蔽賢乃蒙謙虛反加賁飾紙尾

更形于誨藥私心倍切于感銘某倘未引歸當
佩斯語如女子有家之說知必待於行媒讀方
臯相馬之篇恐難追于上駟其諸誦詠罔究編
摩

回邵州徐守謝列薦啓

上無一日不念民循良是望我忝六條而察郡
論薦當先治取旣傳名聞敢緩出於公舉何以

謝爲某官揖孺子之高風種有功之陰德嘗護
潛于初九當漸近于魁三借公凭九能使民買犢
凡問湖南之善政皆以邵陽爲首稱二千石與
我共理乎自騰聲譽九萬里則風在下矣安用
吹噓甫聯汲善之章姑示貪賢之意雙魚難拜
寧敢市恩而自居一鶚橫翔但喜報國而無愧
與靖安范令

奉詔字民涓辰視印宰山水之縣五斗固屈折
腰間父母之來一雷皆有喜色可無饋鯉往白
飛鳧某官玉壺寒水銅盤甘露價重青錢白璧
門森翠竹蒼梧脫穎俊躋揚標宦海愛古人之
馴雉試大手於割鷄今者蒞官艱哉爲邑州家
索錢蛟惡如星火縣庭爲政安取絃歌古道難行
旁觀太息竊觀今元帥龔黃復出則如新令尹

卓魯何難三異朝聞十行夕下鼻祖曾攬澄清
之轡耳孫當繼烜赫之聲某辭滿有期叅拜不
日事大夫之賢者又何假于薤規有先人之敝
廬願少須于棠蔭

父峰先生存藁卷之六

宋進士舒邦佐平叔著裔孫

曰敬元直

輯

學孟肖輿

五言古體

曉起

風葉下宿雨菰蒲作秋聲起頭望天宇涼意條
條生欲挽天河水一洗塵土纓誰人插兩翼送

我上太清

予本不能碁因病又止酒

圍碁賭別墅斗酒博涼州驅之奪名利誰信可
銷愁不如陶靖節客至空持甌不如蘇東坡勝
敗兩忘憂此心無外累雲淨一天秋

雨後卽事

昨日雨不歇薄晚雲未收更闌望天宇雲淨月

如鉤曉開讀書窗日光潑雙眸蔬飯羹一盂起
傍吾廬遊一洗塵土昏水竹清更幽問花無恙
否低面含嬌羞驗筍長幾何突角凌羊牛前日
移新荷常恐水蓋頭池邊報平安小葉三四浮
竹林叫鉤輶柳陰鳴栗留趣晴欲雙飛更着喚
婦鳩物適吾亦適投筇思悠悠却歸堂上坐蒼
頭獻茶甌兒聲清且美讀書如瀉油靜裏無聲

樂閑中不繫舟不知腰金公會識此樂不我生
微官縛有如冠沐猴長恐舍此去永愧池上鷗

雨後

積雨洗殘暑翛然窗戶涼蠅蚊不須驅時至自
退藏琤然一葉下梧桐殞秋黃仰視天宇濶賓
鴻初南翔兒時親燈火二尺便宜光咀嚼復吟
哦惟恐更漏忙老來病如縛空對書滿箱短檠

置床頭猶渴不能漿人生舍此樂百年謾風狂
至後有感

窮冬萬木晚風葉無停計老樹露槎牙四旁誰
擁蔽泛觀林莽間一一獻憔悴昨夜新復根
芟抱生意天將九轉丹一粒回元氣三陽卽爲
泰原野爭明媚老樹亦逢春綠陰看垂地

讀退之傳

退之二十八三上宰相書晚折王廷湊罵佛戒
鯉魚少時及壯時君試觀何如士養要如此合
抱凌太虛

和洪龜父歲莫韻

兩鬢點秋霜黑白交相互倒指數行年如日斜
歲暮始汗千佛經頗嘆儒冠誤夜聲喧爆竹曉
炬驚鷗樹又是一年新三百六十度

送簡賀州五首

人生五馬貴畫戟擁朱輪朱輪亦細事舒卷方
在身官至二千石此手要活人請將胸中書散
作五嶺春

朔風撼木落莫驚客店霜桂林雪片深成都碧
鷄坊西南幕中去尚趣萬里裝今乘刺史車何
嬾驛路長

曩時鹽令更官貧如負債而今舊法復私販奪
公賣且莫作是想亟欲目前快有錢藏之民畢
竟根本在

摩娑風月堂應記中脩公墻頭荔子熟勿剪比
國風此翁出嶺來兩頰丹砂紅但云身力健不
言櫛櫛功

我作送行詩勸終鋪美意吾君方急賢待從有

虛位兩府多故人東閣人奇士如送鄭尚書
必以來字

送陳紉

我昔湯屋計夜傍讀書螢開卷啖公文如味五
侯鯖今年觸熱來着脚湘山青暗中摸索着紫
髯照天庭風前咲語香陡豁病眼醒一日駕征
車問訊短長亭買酒酌別君我歌君試聽命薄

成雌甲字慙識一丁文場與宦海從此與乞靈
翩然舍我去却作參商星我歌雖不滿民謠如
車轉寔謂公三年留陰德滿幽圉束縛老姦手兩
造必細聆民自以不冤刑期于無刑是宜五鸚
書風吹上青冥更鋪錦上花姓名記御屏不揮
玉堂翰必勒燕然銘文章特一技九鼎重朝廷
人生幾何屐早畫凌煙形斷陽有來鴈一字訪

風萍

七言古體

蠶婦嘆

舍南舍北爭芥桑欲老未老蠶滿筐曉切葉縷
細且長夜夢繭簇白間黃繰成萬絲手中香醫
得三月眼前瘡有餘更著輸官忙無衣敢歌卒
歲章

集此在書
和懶窩巖上人紙被詩

身清不受人間辱更倩溪翁搗米穀素濤照眼
絕針痕煖玉遮頭無臉粟參寥已似絮沾泥天
女雖來煖非肉萃鯨吼吼不成眠蝴蝶蘧蘧猶
未足

讀廣平梅花賦

子猷清雅如此君菊花冷淡如淵明古人嗜物

非着物風味相似因適情不見鐵心宋廣平乃
肯一賦寫梅兄愛渠風雪不改清似我不肯郎
張卿

送張倉移漕廣西

賓鴻度月叫秋霜天怕炎方雨露乾繡衣使者
持玉節先送春風入蜚蠻嶺南日日望行色湖
南百姓爭臥轍兩路行人界上爭去思來暮歌

謳接廣鹽變法是誰謀直至而今病未瘳嶺上
逢人須細問遠方根本是深憂廣吏從來恃天
遠北歸南載無空返埋輪家世本澄清無使老
蠶自營繭莫嫌嶺路去逡巡桂林見說最宜人
筍樣山峰羅樣水錦囊收得越精神直聲曾動
天顏喜更有元台作知己諫坡言路着此翁所
謂如尊乃舅爾大蘇文章繼老蘇魏證勲業付

魏謨傳家况有黃金印行入木冠盛事圖門下
書生知此意戀戀不爲兒女計黃花時節送君
行梅花時節迎歸騎

送孫憲就任除秘監赴召

閭闔排雲吐玉旒延齡不相白麻收園橋畱住
不肯住古來只說陽道州千載風流正相似難
處郊裡能有幾不顧諸郎向白丁扁舟夜發浮

湘水富貴耽人如蜜甜小兒嗜蜜幾曾嫌全家
先遜無人覺惟有誠齋句裏枯回雁峰前再秋
色哀矜折獄多陰德彈壓湖山處處春楚波不
動平如席不論朱墨細如麻夜判千張燭有花
老吏相看驚吐舌如箭中的無少差世上紛紛
幾桃李過却韶華盡紛委老松閱世傲風霜萬
牛推入明光裏蓬萊弱水多逆船人生一到已

稱仙重來況是文章伯豈但舊物青王璫一
出世從此度紫薇花下皆平步更有健筆繳詞
頭恰似當時在言路六一老仙贊萬微益公首
轉造化機廬陵自有三台種他日聲名剪樣齊
三十年前韓一識三十年後供吏役朝天好施
一丸丹教我春風生羽翼

著存亭

事亡如存死如生以誠則著著乃形二字貌出
孝子誠曉然如見親在庭有人念母愁思凝終
日如凝呼不醒自云所見政如此觸物有感皆
分明山形作我枕扇清風葉舞我萊衫輕江蘆
千株白皎皎尚想白髮垂青青入戶恍然聞愜
息恍忽欲下來舉觥始知至孝無間斷聖人所
以見牆羹辟如忠信純熟者立則衆前與倚衡

然而存著亦非真能于吾母用吾情所見皆從
所念得初非刻木外經營雖然銘鏤在中肩何
待扁榜垂丹青要令目擊助心想不然安得名
五亭

壽衡守李國正水詞歌頭

問訊金華伯元是地行仙只爲朱輪畫戟勾引
到湘川用箇狎鷗心地做就烹鮮善政民化我

何言但貴衡陽紙紙落盡雲煙近書雲梅索

咲月還圓舊時獄生申甫重到是前緣快洗瑤
觥一醉喚箇鶴仙起舞騎取上花輶春秋更多
少莊木八千年

五言律詩

○小院

小院無人到徐徐影轉花池平初聞蛤蜊老半

藏鴟矛戟猶封荀槍旗欲試茶一丘并一壑只
此是生涯

○春莫

日月一箭過春光又別人竹孫纔解籜梅子已
生仁閱世真旋磨看詩老斲輪壯懷因病落孤
負百年身

聞野有饑殍感嘆

雙峰存藁

卷六

士

豌豆斬新綠櫻桃爛熟紅一年春色過大半雨
聲中仆野傷饑殍祈天願歲豐有誰捐白粲相
伴減青銅

初夏二首

稍久梅黃雨新晴麥熟天寸懷煎百慮一病費
三年方冊強遮眼短窗時送眠三生償業盡四
體合安便

盧橘金珠似楊梅火齊如燕蚿春去後蟬噪夏
陰初藥訪三年艾心凝一束書老身仍着病節
物寂關渠

晚出

晚徑收霜滑青鞋踏淺沙看雲閑活計臨水淡
生涯籬菊猶存葉江梅欲破花楓林凋落盡露
出兩三家

久雨均晴十月六日雷雨大作

十月天猶暖渾如二月晴雷聲蕩雨勢春令已
冬行稻穗多生耳田家有嘆聲官倉須玉粒早
爲挂銅鉦

夢覺

夢覺還尋夢胚胎一想中失身邯鄲枕得意大
槐宮門在蝶何在蕉空鹿亦空自憐心未靜坐

麤究幡風

伏枕

索索葉夜雨夢驚窗月明一念墮世網百慮戰
心兵天上麒麟閣沙邊鷗鷺盟展轉復展轉孤
鴻三兩聲

小巷

蕭條一逕微來往覺人稀忽聽隣家鬧歡尋稚

子歸卷書真是懶添火且相依強起扶行處斜
陽正滿屏

丁巳正月五日

春來猶爲臘年移已換正節從忙裏過愁向病
邊生小雨止還作虛窗暗又明時光與心事無
一可娛情

春半卽事

春來晴景少晝夜已平分寒鎖花藏蒼風微水
縐紋端成空識字誰可共論文惟有銅爐在時
拈栢子焚

嘲燕子

去歲相過日朱簾正上鈎雙雙如舊識一一話
離愁畱爲荷花夏歸因梧葉秋今年頭轉白還
識主人不

秀野

秀野五晷曾到名新景亦佳雨移新長竹晴接舊
來花轟轟山園坐團團樹遶家病中心漫往無
計聚搏沙

和王令尹遊園之作

官事何時了偷忙得餉閑清風寒食裏飛絮落
花間靈運池生草淵明菊見山詩來令細讀玉

佩環珊珊

挽余倅二首

自踏功名地斯心每澹如東南雖數任來往只
單車上相逢知己清時草辟書才寬天命窄輜
左換靈輿

仕接湖南北逢人問起居蚤曾師硯席非但托
鄉閭夢裏詩春草毫端賦子虛諸郎圖不朽當

共甘遺書

挽左相京大師四首

皇華方北返植纛指西風蜀謂今清猷戎言昔
富公民夷兩心服勛業百年同贈典齊溫國功
高報亦隆

聖代多名相誰如德量寬平心消黨與着力援
孤寒禮極三宮養天開二聖懽盡忠扶存治烽

火自平安

堯考聞憂日公身病瘁時哀情知痛極疾勢轉
增危梁壞將安天胡不憖遺此爲天下慟未
敢哭其私

自際未絃賞逢人說項斯蜚章先刻上薦墨更
交馳遽臥漳濱疾如轟薦福碑空流一襟淚無
路送靈輓

隱几

隱几香一炷時于靜裏求心源須得得世路任
悠悠佛國菩提樹莊園不繫舟忘機吾自信何
必驗沙鷗

七言律詩

晚步

晚來頗意林塘幽又拄烏藤款款遊細雨斜風

三日後落花啼鳥半春休不知何處數聲笛喚
起幽人一點愁賴有青蛙知客恨笙歌一部起
池頭

○雨後書懷

策策西風兩鬢秋瘦藤獨倚思悠悠送涼小雨
勾牽睡潑面新醅斷送愁涉世已經三折臂浮
生空白一分頭流行坎止隨天意且著煙簑上

釣舟

和許宰子尉間字韵詩後一首送其子赴

太學

連珠疊壁照窗間得句須知出等閑有似弟兄
花萼集更如大小淮南山言詩自愧知來賜聞
十如何敢望顏一夜不眠追嶮韻起來踈髮有
詩斑

簫雲追電咲譚間爭看驛驕出帝閑
暫借短檠
睎眼力莫因遠別夢眉山詩聞庭下頻趨鯉
易
在床頭久鑄顏趣取雙親皆未老綠衣歸換綵
衣斑

于尉燈夜招飲酒酣援筆成詩繼韻

低唱雖無金步蓮公來處處已聞絃
蒲街燈火
作元夕此段風光勝去年紙上飛雲驚筆落盤

中走彈喜詩圓便宜歸待傳柑宴蒲泛錢塘藥
玉船

于尉惠詩有流落之嘆次韵招飲

一紙西風書客愁
愁來如瀉蒲汀洲
從他夢鹿還爭鹿
休問封侯與不侯
百歲光陰草頭露
一年好景菊花秋
人生能着幾緡屐
且爲重陽一

醉小

于尉以書室新成惠詩次韵

無數雲山簇眼前又聽風葉響琤然近于此處
開三徑准擬歸來受一廬終日看山忘坐臥有
時扃戶鎖風煙尋花問柳如乘興且莫輕回訪
戴船

天寒偶成

雲凍長空鋪水墨風鳴破屋響琅玕憶梅探梅

春已露欲雪不雪天正寒
呵筆豈能詩句好擁爐偏怕
酒瓶乾太平宰相非吾輩
煨芋何須問懶殘

梅花

千林氣脉未全歸一點清香已著梅
每愛月窓橫瘦影敢將水墨汚冰姿
淡妝出屋新相見索笑巡簷舊有詩
不見化工先着力雪中風韻最

相宜

水臘書懷

水池照日暖初融
准擬迎春更餞冬
盃酒作踈情少緒
尺緘稽報病多慵
殘年斷送風和雪
晚卽相依竹與松
回首思量十年事
倦投孤枕聽鳴鐘

喜雪

光入疎櫺曉色添
開門疑是蝶飛簾
千山陡失青絲障
萬戶橫拖白玉簷
壓竹重時疑綠折
着花輕處露紅尖
自慚對景無佳句
空咲當時絮與鹽

和韵

未問街頭酒價添
迎光先卷讀書簾
送寒作片頻窺戶
着煖先融半溜簷
莫作檜花添項強
且

隨梅點開眉尖可嚀勿壓南枝折商鼎調羹待
作鹽

和林帥喜湯王二魁將還

爛醉春風玉不頹自封喜信入湘來同鄉多少
同年士兩榜何如兩奪魁瓊苑宴開應共醉西
湖賞罷更同回早歸多謝文翁力莫待平安家
信催

送馮勉仲赴省

客餞旗亭酒半酣
搏風九萬送鵬南
薄勞汗馬功收一
肯怨長途玉獻三
去去梅花催驛騎
看看柳色闌恩藍
長篇好上劉蕡策
莫作書生無用譚

送致遠赴耒陽酒官

雲凍長空晝亦昏
誰歟剥啄扣柴門
故人言向

瀟湘去此別應須歲月論衡嶽五雲瞻勝槩
陽千載吊詩魂舊遊倘有人相問爲說扶犁教
子孫

病中口占

拂枕投床鼻息鳴隣鷄報午夢還驚一春已過
半春了十日曾無五日晴喚客難同藉草飲隔
墻虛認賣花聲十年前憶西湖上柳蔭蘇堤取

次行

力古

雪花點破潘郎鬢始得荷衣上釣簑
蠅經一眠再眠後船歷順風逆風多
雲煙過眼竟何有星斗在天終不磨
着鞭古人乃吾事長檠莫換短檠歌

五言古句

桃花

憤題玄都觀歡入武陵谿花面無今古人心自
咲啼

以魯直露濕何郎試湯餅爲韻賦酴醾七
首

石竹麝香劑博山水沉炷勾引愛香人攀花春
筍露

江南萬玉妃肌膚米雪立平生愛淡妝不作臙脂濕

金沙與同架並蒂更連柯紅白雖相宜品藻當如何

倚窗春睡覺折玉滿手香簪雲疑未穩指點問檀郎

何面與荀香美丈夫可試不學海棠花只如妃

子睦

昨日落酒杯引我臥醉鄉對午猶未醒支頭聽
煮湯

愛花莫着花如饑貪畫餅一笑大江橫此句須
衆請

以昌黎驗長常攜尺爲韻賦筍五首

前晚尚錐鋒昨日突槍劍今朝又稍長吾曾刻

竹驗

突兀出藩來頗似逞狂蕩
高下列堦前又如識
少長

行矣脫錦綳笙竽奏風簟
歲晚不可敬霜雪不
改常

吾家蒼頭奴斫玉手自携
云恐春風惡吹開枝
高低

我至再三惜恨不長百尺要夏結青陰陰我醉
眠石

○謾題

世網角雄雌官途爭是非人方酣蟻戰吾自送
鴻飛

七言絕句

春日卽事

正書東風自展扉
雙雙燕子望巢飛
楊花却是原無定
吹落南隣不肯歸

架上酴醾萬玉浮
當年攀折爲遲留
而今老病空相對
花不差人人自羞

桃杏酣酣着意紅
當時只要嫁東風
而今却被東風誤
一片西飛一片東

鳴鳩乳燕寂無聲
蜜熟花蜂亦慣營
睡起卷簾

春已晚竹籬穿筍雨三莖

穀雨催秧蠶再眠采桑女伴罷鞦韆前村亦少
遊人到牛歌濃陰人餉田

睡起二首

蝶夢驚回思尚迷起煎蟹眼試新旗桃花貼地
楊花起正是江南二月時

雙雙燕語落簷牙驚破春屏夢到家睡起拈書

無意緒開窗隱几看桃花

聞杜鵑

衆禽棲息不聞聲獨向三更月裡鳴
終日勸歸歸未肯故教枕上聽分明

春晚

桑柘枝頭一一空林巒放出畫屏風
鷺鷥鷓鴣驚晚歸飛急零亂青煙一抹中

立夏後熱甚已而棟花風作極寒

炎官司印未十日有氣駸駸着病翁卷地吹來
忽吹散今朝還遇棟花風

榴花

萬綠枝頭幾點春逢人偏喜上烏雲出來只爲
當時暑故剪紅綃縐作裙

聞蟬

雙峰存葉

卷六

二十七

紗幮紋簾北窗眠只道清聲比管絃誰念夕陽
官道裏幾多客旅聽淒然

○午睡

博山煙斷懶重添屋角無聲雀去簷午夢欲成
鷄喚醒臥看修竹映疎簾

睡起

睡起投抄兩眼眈卷簾惟見水平池小窓幽寂

無人到自撥爐熏試一旗

立秋後十日

萬綠枝頭一葉黃
秋風恰則到林塘
晚雲更作瀟湘雨
拾得人間一夜涼

秋暑極熾而雨作涼氣翛然

日輪停午汗珠溶
簾箔都無半點風
喚起睡龍行一雨
病身移入水晶宮

捲簾

隔簷見竹早清幽捲起踈簾滿眼秋一段夕陽
收不辦被人都送上簾鉤

憶官舍吳渠

官池無數擁紅妝日日全家坐晚涼官職已拋
無夢去尚疑身遶一池香

夜坐

霜蟾照戶鼓三更獨坐蒲團一盞燈名利此時
都踏破分明一箇在家僧

偶書

酒盡瓶乾一再添朔風吹葉響階前起來水墨
圖中望正是江南欲雪天

至日見梅

挿向書窗小小瓶看來看去眼增明花瓶空子

能多少占却人間無限清

瓶梅

病眼因君得再明
依前風骨照人清
憑誰說與
司花女伴我長開過一生

書堂前植竹今日移梅于其間

三逕向來孤竹第一枝
今日伴梅兄歲寒圖上
曾相識一咲相看自有情

圓進賢道中

遙憐兒女數還期
自秣歸驂趣曉鷄
乾鵲有靈煩逆喜
馬蹄今日踏江西

自嘆

怡顏今得盼庭柯
黃鳥啼邊綠蔭多
回嘆此生肝肺涸
只因雕篆損天和

和于湖集茶韵二首

倒床鼻息欲鳴雷須仗靈芽一喚回此味直教
真性在切防勾賊用鹽梅

金沙泉下喊春雷貢茗先隨造化回欲望頭綱
分八餅恨無筆刀繼歐梅

慕容簿送題寶峰石刻并中秋詞以詩謝
之

步履尋僧到日西亂山深處見新碑却驚天上

披風手亦卷波瀾入小詩

月入中秋色滿林
羣將好景寄清音
自從句奪天工巧
景物無聊直至今

贈畫魚童秀才

我本江南一釣徒
錦鱗到眼便懽呼
他年尊鱸歸來日
添箇漁竿入畫圖

遺術士

欲壽莫誇堯丙子欲貴莫疑雌甲辰學取燕山
人姓竇自然五桂一靈椿

贈太素脉王道人

按指如醫細切膚對人便肯說榮枯我今跳出
榮枯外試問先生脉得無

爲端夫病起解嘲

折臂三公古尚傳神全何必問形全前身恐是

婁師德試問沙頭覓渡船

以詩追墨

萬竈燒松有妙功分張猶未及隣翁
陶泓毛穎來呼友要爲幽齋草送窮

蒲團

細觀才蒲一輪月靜坐能銷萬古心
其向紅爐烘醉客只宜清夜定禪林

題三石屏

一作煙霧昏濛欲雨遠山在有無中

煙霧冥濛雨意垂遠山隱隱林修眉急催行李
投前店似我當年在道時

一月色當空山川平地皆如雪後

正是江南雪霽天素娥特起弄嬋娟山川一望
皆如剡只欠渠儂訪戴船

一月出雲間山川皆如瓊玉

月姊携爐出廣寒鎔銀爲水又爲山夜闌歸去
忘收却溜入浯溪石壁間

和許宰寓武邑賡楊丞靖安八詠

市人常是醉昏昏買盡青銅酒已渾健倒投床
都不問日高猶未啓重門

君似春風自襲人無情鷗鳥亦相親莫驚仕路

風波惡便憶家園自在身

我有淵明日涉園桃谿柳徑漸清繁却嫌市井
喧囂近恨不誅茆住遠村

風旗獵獵半欹斜日日相傳便到家幾度兒童
騎竹馬夕陽影裡簇汀沙

幕帥潭潭庇萬間已知流水與高山定應不負
刀頭約合浦明珠早早還

好語飛來散綺霞
清新俊逸屬詩家
著人似醉菖蒲酒
有味如嘗橄欖茶

家書寫罷報平安
酒坐圍紅且醉觀
別後雙溪春色散
應無賣鏡去尋官

里巷縑車日日忙
今年又喜熟蠶桑
公家無欠私家樂
細葛含風剪更長

花光寺送使者書壁

集賢堂
卷之六
三十四
白沙翠竹釣魚磯家在江南未得歸
寂恨花光山下路數聲杜宇背人飛

讀子厚乞巧文

不見牛郎不秉鈞一時雖拙有清芬
附碁待詔皆因巧何用翻成乞巧文

讀東坡韓文公廟碑

盡道潮陽因罵佛誰知忠諫得天知
鱷魚夜徙

衡雲散請看而今玉局碑

挽黃助教四首

金鑱刮膜妙通靈從此昏花不再生聞道向來
昏醉眼而今黑白儘分明

有客携來幼婦碑細看一字是褒辭觸蠻索戰
吾無此方信黃家萬頃陂

楊枝一放任西東已把浮生比夢中今日筭來

真是夢翩翩丹旆引春風

春歸平日館池中想是桃花三四紅還有舊時
王謝燕喃喃來吊主人翁